

HARIAN METRO (TIMUR) 9/12/17 (SABTU) M/S 57

## Pupuk kesedaran penuntut

Pembabitan penuntut universiti dalam aktiviti sukarelawan penting bagi memupuk kesedaran selain meningkatkan keyakinan serta membentuk nilai murni dalam diri mereka.

Pengerusi Jawatankuasa Pembangunan Wanita dan Keluarga, Komunikasi dan Multimedia Pahang Datuk Shahania Shamsuddin berkata, penuntut tidak boleh menjadikan alasan sibuk dengan pelajaran masing-masing untuk tidak menyertai aktiviti berkenaan.

Sebelum ini, pembabitan penuntut institusi pengajian tinggi lazimnya dapat dilihat ketika waktu tertentu seperti ketika bencana banjir serta

gotong-royong kawasan kampung dan masjid.

“Sudah tiba masanya golongan belia terutama penuntut universiti membantu warga emas, anak yatim dan fakir miskin yang memerlukan bantuan seperti membaiki kerosakan rumah dan membersihkan kawasan.

“Golongan terbabit juga boleh membantu meringankan beban pengusaha rumah kebajikan yang terpaksa menjaga warga emas yang sudah tidak mampu menguruskan diri sendiri,” katanya pada Program Kesukarelawan Volunteer To Institution (V2i) Mahasiswa Universiti Malaysia Pahang (UMP) di Rumah Kanak-kanak Sultanah Hajjah Kalsom di sini, kelmarin.



**SHAHANIZA (lima dari kanan)** pada Program Kesukarelawan Volunteer To Institution (V2i) Mahasiswa UMP.